

四庫全書

集部

欽定四庫全書

御製詩三集卷四

古今體一百二首

庚辰四

三月朔日御殿定邊將軍兆惠副將軍富德等率

成功諸將士朝謁詩以紀事

黃麾簇仗正衙排奏凱來朝樂孔皆脫劒釋冰搖玉佩
卷班按隊叩金階幸逢耆定干戈戢况值熙和風日佳
范士燮言予敢忘惴矜保泰是長懷

上巳日同豫軒作

西苑將凱宴南軒先憇駕

軒在瀛臺之南

正逢祓除節韶光謁

相迓紅紫入花逕蔥蘢巖巖榭同豫信同豫耆定籌邊

罷然予敢肆志敬怠不少借高謝晉永和寧云關治化

靜柯室

古樹扶疎戶外羅春風秋月鎮婆娑漆園未悟知魚者

祇道無端靜在柯

上巳日凱宴成功諸將士

有序

筵開飲至剗逢祓飲之辰苑啟瀛臺恰奏濛瀛之
績於時上公晉罽青郊解甲初還蕃長敷茵黃幄
纏頭列侍宮懸陳百部將回中樂府齊登錫爵遍
三巡以閣上圖形為次詎因詡挾續投醪之惠期
得抒推心造膝之忱且食刀闐壁偕來包匭宜酬
其效順而紫綺朱提並賚簽名合第彼成勞從茲
凱宴遐宣足使天堂知樂是用寅承永切毋忘月
融依光非矜七德升歌爰藉八章紀實

出勞嘉勲藏禮旌平凱宴液池壩關疆掃逆誠資衆
助順成功總賴

天策績林林恩予厚詢勞一一命來前寧惟云不重生
望祇覺迴思越悚然

日麗風和春未深獎庸備禮有壬林試看偃伯靈臺上
詎數流觴曲水潯命預綺筵排伯克也陳夷樂奏任禁
笑聆蜀技無情者那覺西悲動乃心

圓幕高張榆柳垂犒筵喜值禋脩時榮勲舍爵竟今日

鬯武書常允不期誰擬浯溪泐崖頌我歌靈夏出車詩

紫光將畫凌煙像

西師藏成大功自元臣及在事將軍
參贊禁衛統領諸臣第其勲績懋著

者命工圖形紫光閣以崇獎勸穆棣同叨

乾貺貽

成功將士錦衣旋日月光輝軍氣蠲藉我虎臣典宿衛

笑他杯酒解兵權

將軍兆惠副將軍富德既以酬庸晉
爵均命為御前領侍衛大臣宗藝祖

權術駕馭風所鄙故戲及之

八旗子弟心如石萬禩國朝龍荷

天宣看瘡癥猶未愈

三等侍衛綽克圖巴圖魯恩特驍
勇過人臨陣不避鋒鏑今預宴賜

酒時撫其額傷猶能無一體恫瘝連
未痊復為之惻然

柳舒花放正良辰上日前期福履申

三月三日為上巳然是日始戊申故

云卸甲韋弓盡鳬藻四晴豐額集魚鱗千秋難遇太平

宴百戰歸來義勇身獨憶儲胥宣力者

故大學士黃廷桂綜理軍儲調

遣諸務備殫忠勤未及武成濫焉先逝故前賜詩有奪我賢臣何太劇不教留看凱歌迴之句凱迴未

見惜斯人

敦瓜烝栗允堪憐二萬何期竟拓邊遠愧周王興六月
遲過殷帝克三年依楊霏雪凡經幾立幟登弘盡陷堅

此日征夫真邇止皇州春滿七條絃

拔達山人獻馘歸三軍飲至藹晴暉勞心幸我紓宵旰

公道憑伊論是非紫綺朱提頒渥澤前歌後舞迓鴻禧

歡來憶不同來者

軍興以來我大臣將弁等咸以蓋忱自奮其間有遇阿逆之叛如將軍公

班第叅贊伯鄂容安遇噶爾藏多爾濟等之叛如寧夏將軍和起而追色楞之逃者如副都統唐喀祿誤聽沙拉斯嗎唬斯之詐者如都統滿福至遇徊酋和卓木之叛如副都統阿敏道前鋒統領鄂實副都統三格侍衛特通額總兵高天喜而奉命在途猝遇亂賊如將軍伯納木扎爾叅贊侍郎三泰其巴圖魯侍衛中之奇微布巴凌阿寧古禮富錫爾瑞綽爾圖等並能以死勤事秉節捐軀雖加恩優予旌卹而當功成飲至時迴念義烈

炳然尤不勞爵手持淚暗揮
勝雪涕云

芳節延禧淑氣清
襖歌聲是凱歌聲
元戎允合躬承袞
勇校均教手賜觥
藉衆力茲疆地戒
勅予心永奉
天行從來悟得受
招理虔輦流謙慎
捧盈

凱宴畢乘舟至悅心殿

上已從來合宴遊
似茲凱宴得曾不
良辰盛典還多暇
耐可新波漾綵舟

春融瓊島翠嶽峯
別殿疏龍憩悅心
綈几蘭亭觀定武

恍同逸少會山陰

土潤新蕪綠到階
春光今歲識真佳
舊題粘壁閒吟過
始覺籌邊悅釋懷

紫翠房

漪瀾堂畔室假山
圍舊峭僦池互羅
落嶙峋入窅窳紫
翠幻萬狀朗朗延
曦照生色畫屏張
誰能觀徼妙

畫舫齋

芸齋臨鏡瀾涵漪
清可愛仰觀俯而
察古稽文與佩顏

之曰畫舫詎學襄陽再譬如巨大地咸知水以載何屋
而非舟舟寧獨此在誰能具達觀於斯悟津逮

題唐寅山水

訪幽野艇泛清澗水閣遙知待發硯識得六如真面目

石渠幸早奔蘭亭

卷內無名而有六如居士圖記圖記雖可贋鼎而筆法與石渠寶笈所藏

唐寅蘭亭小卷氣韻無少差別故知為的係唐寅真蹟云

三月吉亥祭

先農壇

吉亥將耕藉

先農致祭崇載興耒耜始實贊地

天功澤潤青郊溥春和

赭幕融休嘉錫珎隱願與萬民同

耕藉擬禾詞四首

沃塗膏壤司空掌縹軹紺轅農正陳率稼供粢胥要道
敬遵

家法歲躬親

千里王畿霑臘雪陽春二月被甘霖

天恩今歲真優渥益為

去聲

紆心益惕心

隴麥芄蔥實愜懷寧惟藉畝治除佳去年此日那能忘
曾是霖霖鎮雨靈

四推歲禮置朱紘通進扶犁王與卿諸部回人列觀預
是日命隨將軍凱旋入觀之哈密郡王王素富暨各
回部貝勒貝子公伯克等於迎駕後並得入壇觀禮
俾知國典重農耕

詠回銅喉嚨竽器疊去歲避暑山莊詠唐時回銅

器韻 有序

噉嚙篇之制正圓而豐下上橫鑿可左右紐高五寸有十分寸之五口圍尺有八寸腹圍二尺四寸有十分寸之八中實六升許銅范而金銀錯其文皆旁行回字不可辨識西師凱還將軍等與所俘武器並獻命阿渾

通經典者

其名曰哈爾披野特者詳

譯之具云元時回部有汗曰眉哩特木爾世居伊

楞

地名在今布哈爾之西

嘗得沙賴子

城名在伊楞左近

良匠喀嗎

爾所造用貯漿齊鏤文悲祝嘏之辭葉爾奇木哈
什哈爾世不乏一二見者其緣起載陀犁克史名云
云夫天堂墨克之區遼邈荒忽歷代史牒所志支
離牽合罔所折衷今荷

天

祖垂庥師武臣克襄成績旼章其地氓隸其人乃至昔
日舊物留遺皆得入中國而詳其原委亮非獲休
屠金人與蒲梢首偕輒斷斷動色哆詞之為也爰

以長言系之俾傳示來許不敢矜方物之遠益無
忘綏輯之艱云爾

重器真遷喉嚨也

舊作有遷其重器茲先地之語

平回並馘獻來時曾

供菽水數升受亦閱春秋四百遺

其史所紀造此器時當在中國大元時歲

月不可細考約計距今已四百餘年矣

喀嗎匠鏤眉哩用陀犁史載阿渾

知詎珍三品精鋟錯保定方籌撫衆師

惜陣亡提督豆斌詩

去歲正月初九日副將軍富德自阿克蘇率諸師

兼程進援將軍兆惠軍遇賊要戰於呼爾璠時豆
斌領綠旗兵列鎗礮對敵不期中賊銃捐軀詩以
惜之

老將行間名久標

雍正年間西陲用兵豆斌即以裨將特著功伐後屢膺節鎮勇畧夙優

援師深入從

去聲

票姚鋪敦縱已占三捷矍鑠不期喪一

朝杜牧悲曾譏點筆孟明壯詎肯迴橈最憐來歎臨終

際強起猶虞衆志搖

豆斌中創時猶力疾拊循諸將士奮勇殺賊

後徊轟行疊前作韻

樹九火米符祥占

喀喇烏蘇之役將士方堅壁趣援時於固守處得害米膽軍樹上撿鉛丸

濟用並獲神助

孤軍接應遂解嚴整師救和闐玉隴帕首蟻

襍胥劉殲將以三路進掃穴僑如叔仲先潛覘狼狽挈
拏預遁去二城降不勞予鏖競作鏡吹迓主帥從今食
飽眠亦酣選卒前遮復後襲義無返顧均雄男線天磧
地深入阻欲得虎子虎穴探明瑞邀之庫魯克以少勝
衆折祆攬富德追及伊西洱用強驅弱如掃蠶鹿埒流
湯賊屢敗獲銃寨轟軍威添遁入異域卒獻馘飛來報

捷紅旗尖凱旋攜以貢武庫阿渾譯出其文詰

蘇上旁行書命

以托特字譯之回中稱通曉經典者曰阿渾

亦知福善禍淫道胡乃借德興

狂憐敵愾致力衆惟惜事成志遂吾敢快

狷劍行

逆酋小和卓木霍集占所佩副將軍富德大勝之

於伊西洱所獲也凱旋奏進詩以識之

袂褰展室青萍寒一條秋漢湓波瀾蛟龍水斷犀陸剗

吳鉤薛燭古所傳泰階九寓胥晏安歐冶之法誰則閑

絕域尚武求精堅銛鋒三尺不可刈弱肉強食必佩旃
況彼窮奇肯離焉伊西大勝狃燾蹇二酋倉皇駢走前
獲茲銳器羣訝觀訊醜踉蹌具致言劒藏霍集占身邊
惟命是顧乃忍捐異封獻馘師凱旋彤庭奏進出匣看
光芒誠覺星辰連弑奔武庫識歲年保定諸部籌久全
惜陣亡總兵高天喜詩

喀喇烏蘇之役我師渡河猝被賊遮時總兵高天
喜奉將軍令董率脩橋在後聞將軍陷陣中乃捨

橋衝入賊陣以致陣亡推恩優卹如例凱旋備悉
其事詩以惜之

始由小校出從征優擢奇雄至總兵留後脩橋恥苟活
復前入陣遂捐生綠旗中祇一人實絕域外傳千載名
裏血結纓寧讓古詩非獎勇獎忠誠

玉牛疊舊作漢玉牛韻

和闐種玉如農耕河源撈取淘戶能貢來命寫喀喇回言
也牛形穩卧滿脰黃鍾鳴古牒呵護煩六丁叶瑞詎此聯

嘉牲雖不可食非塗羹方物足徵導路亨持盈偃伯惟
屏營盤銘一例七字成匪誇者定輝丹青

題李升山水

屢屨攜杖送君行騎二茅龍上玉京只有澗山倒影在
泖湖賒月伴濤聲

大學士來保八十壽辰詩以賜之

八袞黎飴第祿增三朝禁近亮勤稱溫城過闕毋忘下
東海為閭知有興矍鑠齊眉叶琴瑟徘徊繞膝侍孫曾

皤皤元老多黃髮

時大學士史貽直亦年七十九矣

自是明廷大吉徵

射八韻

有序

門啓賢良掄材式資觀德階陳蕃部肆武鯁示柔
遐爰循聽政常程庶愜依光夙願耦聯十五子臣
之鵠並張雋獲疊雙齊夏之規胥叶以身先為則
詎謂穿堅札七重俾目擊而存共喜侍長楊百步
將告成功而匪懈益遵

先制以彌勤華林百戲異靡文差不負春園日永壁上

一觀同壯志鎮毋忘朔塞風清

勅幾協九經量職授明廷志敢懈耆定治惟求永寧大
蒙胥列侍中國式儀型繁弱月規魄四侯星寫形龍音
鳴未已鵠影落無停擅巧非誇已綏遐所適丁由來重
弓矢庶以鬯聲靈

赫濯於昭在欽惟

懿訓聽

河南巡撫胡寶琮奏報得雨

大河南北麥為秋驛報欣聞愷澤優霽是人心慰猶望
又希嘉霽霽皇州

題張宗蒼山水

粘壁昔曾未詠詩今知珍乃重去聲題之恰如問水尋山
者將謂奇窮轉得奇

夜雨

三月
望日

仲春澤屢霑惟凜

天恩沐季月亦兩沛

朔日及
初八日

一犁惜未足不敢萌冀心

無厭類望蜀昨午乃狂風懼蹈常年躅怵惕為不寧或
我志滿屬入夕風稍停霾變生雲族須臾雨即零初猶
霏霖霽霽忽大作溜簷落響筑數過五更籌踈密無
斷續求衣尚霰零入土已優渥望外叨

鴻貺榮以為愧慙銷兵致祥徵

綏豐和衆庶叶能不益懃懃永祈萬民福

雨後萬壽山

雨歇朝煙泮以徐佳哉山色遂遊諸昨今訝欲三春過

池館忽睽一月餘葉嫩花媽付苒苒峯姿波態祇如如
茲來有喜非虛語水滿鱗塍秧佈初

霽清軒

北方春雨艱自無喜霽時霽清今來喜雨既渥可知溪
煙歛歸岫花露垂戀枝鬣衣氣芬芳吹簾聲叅差憑闌
生遙欣新耕爭力為

聽鷓鴣館

何必雙柑斗酒亦有精舍竹林幾轉粟留窓外仲若先

獲我心

復雨

三月十八日

已自青郊慶渥霑大雲又幕遠山尖輕雷隱隱聲遙送
入夕雲雲勢遂添穀種吐芽長如助麥苗抽節潤而漸
優叨

鴻貺能無慰勅輩遑寧益守謙

雨中西直門外

天家婚娶亦人情

以皇子皇女婚娶故頻還宮行禮

今歲頻教還禁城

恰復朝來命清蹕喜從雨裏閱新耕惟憐戴笠披蓑景
那是尋花問柳行敢即吾心稍慶幸去年一憶一回驚
雨中憇鏡清齋

水齋玉竦北液渚桂舟通却為還宮內乘閒憇雨中披
來欣颯沓望去轉溟濛活汞揩摩後明當朗鑑銅

揖山亭

亭畔介昂藏博褻貌復蒼愛他好風度不是擬元章
令人磬折者却自揖山亭可悟漆園論主賓誰定形

賦得春雨林塘

霑霑纔彌谷淒淒遂灑春論時真及節稱德乃為仁林
暗輕煙合塘明細浪皺微寒夫豈礙嘉澤更希均接上
連枝杪入虛起蘊淪情知綠野外明日出耕人

抱素書屋

樸斲書齋硯席清涵今茹古足陶情詎惟繪事斯津逮
益欲淳風是訓行

甘肅總督吳達善奏報得雨詩以誌慰

甘肅屢災後窮黎念在茲賑恤盡人力寧如渥澤綏冬
雪雖稍霑尚賴春雨時手擘奏書囊報雨喜可知高者
潤數寸下者或一犁穀種胥得播方伯寧我欺西望為
額慶

昊蒼優貺垂武成冀有秋

天意昭可思敢或稍驕矜惟益勗敬寅

王蒙谷口春耕

治生似擬陽羨計命筆還同青弁圖

見董其昌識語

二頃秣田

足家釀等閒村酒不煩沽

三月廿九日齋居作

一英莫餘落亦仍紫垣清似玉壺冰幾番來往三春度
半晌研覃諸慮澄敢以時和忘益凜每先

孟祭憶丕承漏聲正永槐陰佈那為韶光婪尾憑

孟夏時享

太廟

水木溯源本豆籩式禮儀

思文欽世德貽我幸豐綏祇以瞻依切寧教廢徹遲繼
繩惟日勵敢懈藉

重熙

承光殿

每還宮禁無非事亟往園亭切問

安暫憩常欣於便道俯吟實暢此遐觀節臨首夏清陰
佈水足今年太液寬人意

天心胥順適越因兢業敢因歡

賦得王道蕩蕩

得同字八韻
會試題

義路因心示天衢與衆同發端寧在曲歸極要惟公於
古陳洪範而今逮大蒙本非事開鑿允是藉

鴻濛坦坦通無外孜孜體建中造車胥合轍遵道畢從
風詎以梯航限匪求玉帛充廓然斯順應慎德始微躬
陸廣仙山樓觀

撲鼻芸芳繡地陳雲容峯態鎮如新放彌卷退都無迹
離去合來若有神海客相將會負嶠畫禪直擬是延津

見董其昌識語笑他烏帽籠頭者何必前途問野人

御園舟泛三首

春雨頻霑湖水肥
幾間琳沼汎澄輝
櫂牽蔓藻醉魚躍
帆拂垂楊乳燕飛

牡丹花比尋常好
宜雨宜晴絮不顛
却為去聲忽忽無暇

賞今來艤棹見騷然

山村已見插新秧
早較去年兩月強
敢即吾心此慶慰

夏耘秋穫日方長

戲題舊日書齋兼示諸皇子

蘭室當年此樂羣
窓陰惜較寸和分
廿餘歲祇壽於政
萬卷書慙尊所聞
趁暇一來猶故我
無閒多領是清芬
汝曹謾學徒工詠
合爾含經味道勤

懷新館

吐穗抽苗蔚露濃
景光真足慶良農
隱翁佳句從來憶
幸是今年始一逢

藏密樓

丹梯拾級因高迴綠牖憑虛納遠通閉戶恰宜讀周易
庶幾津逮洗心同

賦得慎修思永

迪德初申旨修身繼進詳舉端惟致謹挈要在謀長言
行去聲慎防失弼謨允叶臧諸親既和睦百姓以平章嘉
矣臯陳善懿哉禹拜昌高山景仰止勿逮願云覆

錢穀松陰趺坐

倚松高士松其顏同異寧生分別間坐忘本不事採藥

傍人漫擬是槐山

預日詣齋宮疊去歲韻

視

壇謁

位入軌城齋室西墉御輦行疊被

鴻禧得依禮

去歲正望雨故有不敢依常排法駕之句

要惟一念不渝誠

倏忽三春沐

澤過邇稀預慮事如何省躬未敢萌矜弛靜俟

天庥錫益多

祭朝如月瑞誠稀

祭日辛巳是月亦辛巳

預日符年福卜幾

皆值庚辰

敢恃金穰操軫券惟欽甲先

去聲

省遽非

雩祭禮成述事

冬澤春膏獲勝殊西師飲至奏功膚豐承

乾貺何脩遇既北農祥庶不孤協氣旁流為縕豫

神光下燭尚留俞從今中外胥休養曰肅尤祈時雨濡

四月八日萬壽山延壽寺瞻禮

無量恒沙數

上聲

莫窮誕生此日論寧通

內典四月八日為佛誕辰紅

稀綠暗非真色古往今來一大空及節祇須霏法雨偷

閒詎為闡宗風善緣問我於何結

俗稱是日為結緣日

慈壽希如山樣崇

雲繪軒疊舊作韻

藻繪休誇誇繪雲文軒因迴御層氛爛兮謾擬重華旦
謁若常含元氣氤無暇相於斯淡淡邇來凝望又懃懃
何當嘉霽崇朝遍二麥登秋與物欣

戲題翠籟亭

籟是虛聲耳聽有翠為實色目觀無有無虛實色聲外
誰識亭中真箇吾

綠畦亭

常年艱致足春水水足今春秧插齊徼倖溪亭遙騁目
懷新綠意總萋萋

構虛軒

迴軒名構虛疑取乾闥譬是語落第二聊語第一諦須

彌四天下都大空中寄齊州九點煙曰山河大地虛即
實有鄰實離虛無際誰能不蓋物與究甚深義

題宋宣和畫鬪鸚鵡圖二首

鸚鵡飛爭翅跳蕭急難枝上目如枰寫情若果通於理
何事助金思滅遼

活看唼唼噪枝頭想像傳真艮嶽秋論世徒悲千載下
童謠早應出乾侯

即事

江浙春患雨今歲逢晴嘉山陝雨艱致春來澤屢加京
畿及齊鄭麥凡穀吐芽益見

天心仁銷兵致氣和敢不凜捧盈更生別望奢昨近時
作風切切躬省差或云乃宜麥

四月麥科茂密不宜過
煥得風散則益老

然農云或云遍播禾十日其復雨先事愁云何慰言固遜

志忽穡理則那縱知勝去歲於得誰辭多賴靜午曦暄
蒸雲庶霽霽

直隸總督方觀承奏報保定得雨

天龍噴德水為浴大醫王無聲細入夜謂聊作吉祥越

日飛章至霑足報保陽一慰一以惜麥秋遇種芒甘膏

設及時農諺資灌漿

老農以麥花後秀實之際得雨為灌漿今保定報雨正屆小滿京師

春膏雖渥而時距芒種尚有半月不能無繼霑之望

三百里之隔氣候寧差強

大田

收穫率北先於南而刈麥則自南而北固地與候為之然京師去保定三舍耳同日濃陰密灑未即霑透顯企

實患失勝患得人情聖所詳斯之吾未免芄芄看新秧

油雲頻蔚然早晚澤其霑

戲詠芍藥

鼠姑開謝錦蹊南花婢盈盈放始酣惆悵桓公對劉妓
評量五似索應慙

丈徵明古石喬柯即用其韻

石介柯亦古氣求蔚森陰詎可畫圖視停雲自寫心

山東巡撫阿爾泰奏報得雨

山左畿南同日霑

亦四月八日

喜餘愁思復重添麥苗秀矣

更期實穀雨時哉今覺纖苦莫苦於多欲信廛惟廛此
萬方無何當寰宇均豐樂始得雙眉放兩尖

湯泉荷花

節暄雨沛春泉靈水溫
沼因緣胥助長清和
荷綻好掠燕迷芍藥跳
魚亂蒹藻中使鉗擎來
進鮮如獲寶我時復望
雨何暇煙宮討因之懷
麥秋益用增煩惱徒觀
色欲薦更覺辦差小物
理有神詮為悟盈虛道
夫子語賓牟發揚斯已
早

小雨

四月廿三日

麥臨芒種稻秧栽小雨
雖霑冀沛哉肯以去年
稍自解

益惟此際塵民哀欲眠歌枕那能寐傾聽隔窓翻致猜
踈響片時徐寂靜祇餘迤北殷輕雷

題宋繡老子青牛圖

青牛獨控去何鄉廣額方脣雙耳長魁士名人有弗屑
搥仁提義正奚妨散關令遇元經著脩內司成寶像裝
千古畫圖皆省識誰云良賈善深藏

古北口奏報得雨

前夜雷聲西北多飛章喜報霈滂沱皆吾民也皆吾土

慰彼愁茲愁若何

復雨二首

四月廿五日

雲為雨之屯屯斯足以行邇來機括動觸石常英英初
猶灑霏微繼乃沛盆傾惜為時不久四刻即放晴景色
已改觀塵淨樹蔚青潤浥坡土香鮮沃墀花榮僥倖勝
去年愁暫旋慰生不能無更望優霑方愜情

去歲北省旱西直逮陝甘為時况久長戚戚愁民若今
春屢沐澤近遠頗均霑京縣邇望雨責已寧從嚴遠憂

輒弗忘近慰敢即收了知無始終此志惟

天監攬鏡正衣冠何怪霜華添

宋人松陰訪隱

藉茅為席葉為衣古弁何人訪翠微
風度昏殊三代下
滄翁同叟是耶非

遣緒

萬八千朝條欲過重華舊侶剩無何

近又有純惠皇貴妃之事亦重華宮

時舊人也

大都五十還期百了識愁忻更歷多忻以暫那勝

愁劇緒其紛遣復懷羅丁丁閣漏不停晷底得閒叅兜
率陀

夜雨

四月廿七日

晚來無雨望夢醒覺寒生豈是叅差想分明電震聲繼
前優沛澤侵曉始開晴半尺深霑潤真堪慰渴情

題王炳山水

夏山欲雨樹生涼畧法惟期氣韻長此是宗蒼不傳秘

披圖何異慕中郎

炳曾學畫於
張宗蒼故云

雨後御園即景

四月廿九日

一夜殷雷枕上聞
既霑既足既氤氲
欲知雨後御園景
物態人情總向欣

詰朝京北報優霑
嘉霽還稱近遠無
大益農功寧不慰
又虞慰即弛精嚴

垂珠岸柳窳波輕
欲泮朝煙戀放晴
晴亦奚妨雨亦得
西山又見族雲生

黍高稻下潤含嘉
麥熟都云粟實加
底事甯予僥偉處

憂農未久罷籌遐

題湛然室

結宇非山峻亦復離水裔灌木蒼蔚間拂簷足蔥翠湛然之謂何循名可晰義譬彼方寸鏡其照乃無際室中無長物矯情我弗貴澄茲空洞緣受彼萬物備

夏隱亭

小亭名夏隱葉密藏簷宇匪慕彼黃公乃自我作古

黃公望山居聽松圖

謖謖寒濤入耳清考槃終日足怡情自知差勝陶弘景
未冒山中宰相名

駐防葉爾奇木大臣阿里衮等奏報諸回城於三

月下旬得雨詩以誌慰

有序

諸回城既隸版圖人忻復業駐防大臣循行勸墾
插蒔方興而三月二十一二十二日兩晝夜甘霖
大沛葉爾奇木喀什哈爾和闐洋阿襍爾同時霑
渥回人抃舞款告詫為希有阿里衮等以聞回渥

古稱難澤之鄉比歲復苦逆酋蹂躪茲獲

天仁降鑒槁壤頓蘇視前此師行潮磧嘉澍應時均深

感荷因欽

鴻貺載紀長言

葱嶺火州致艱雨一犁

天澤霈今春灌田不藉穿渠力利穡都欣纏首人校尉
方將設戊己神農未始禱庚辛遙遙萬里祈年望敢詡
休徵益敬寅

題金廷標畫

一川流水兩江村，問村何名朱與陳。
紅船鼓吹方迎婚，醉賓側弁無禮文。
太古猶見民風淳，橫溪小舫俯碧淪。
左圖右史伴閒身，疑是煙波釣叟倫。
近橋且艤水之濱，有客牽驢過橋垠。
驢怯不度駐足蹲，後毆前挽情入真。
此岸綠樹蓋四鄰，老幼男婦都欣欣。
擔籃而至市蟹民，作惡遇是駭孩羣。
放籃走迸蟹紛紛，苟行郭索如逃軍。
衆童爭攫跋跣奔，獲者喜走失者窘。
叶螯傷足者吟涕

痕蟹翁瞪目徒怒嗔七情畢寫皆得神顧陸以後今幾人

端陽日侍

皇太后觀龍舟

去歲龍舟閑早停將停霈澤仰

穹靈

今春膏澤時霈入夏彌月不雨方以為憂將復罷龍舟矣近乃盈尺霈膏農功有慶故依例陳卽物

以娛慈懷

繞人癢技爭前捷艾虎隔年勝舊馨瑞縷絲絲

延

寶寔祥符語語祝

慈寧晴和更愜吾心樂多士方茲對大廷

廷試禮部貢士例應給札

丹墀是日天字和
霽於對策尤宜

端午帖子詞

有序

琳池始漲梅霖快
值逢士綵笳旋牽蒲醕欣當汎
午因酬令序寧崇侈乎水嬉敬奉

慈顏庶佐

歡於夏清時則蓮風拂檻中人乍引朱旗麥浪搖階舟

子徐划黃帽不藉拔河諸戲供奉排當將聯在沼
羣情傳呼宿衛貳師專閫賜符分鴈齒橋邊四部
名王佩帑捧蛾眉班裏幸際昇平堪繪典循五日
陪遊勤思翫物為歲詩就六章裁帖

滄池滯沅似蓬萊雨霽南薰正阜財不必傳宣學士院
閣門帖子試親裁

絲絲縷縷稱延命蒲劍青青說辟邪底是吾心真喜處
一犁梅雨足農家

文場磨勘索清真廷試因之易此辰

四月十一日禮闈揭曉貢士當即赴

廷試因本年定例尚需磨勘遂定期於重五引對

漫惜芳朝孤節物所期謹論

對天人

功成上將早封侯蒲席榴筵愜樂優帕首河邊罷採玉

來陪鵷侶看龍舟

是日命北惠富德率留京回部郡王霍集斯及公額色尹等入內苑俾預

觀天中節物

筠沖測驗命疇人星紀輿圖盡得真却笑當年西域記

底稱投石識筌賓


佳節欣逢重五日，地天相得數惟均。
六章帖子中和叶，保泰持盈志倍寅。

偶為橋梓圖，賜錢陳羣疊舊作韻。

重五日陳羣書和賜其子汝誠詩畫扇以進，蓋欲之而不敢言。陳羣老矣，不可使因此鬱鬱於懷，促成是幅，並疊舊韻，賜之不復計筆墨之工拙矣。

南國應嘗穀雨茶，箋頭書自遂初家。
貢來恰好臨蒲節，賜去無須寶墨華。
教寄北山聊示梓，即付其子寄去漫叅西土。

擬拈花高年已覺多男累
陳犀自云如是即以調之莫逐東風更羨
鴉



御製詩三集卷四

欽定四庫全書

集部

御製詩三集卷五

六

詳校官侍郎_臣謝墉

助教_臣常循覆勘

總校官原任中允_臣王燕緒

校對官助教_臣蔡鎮

謄錄監生_臣段文新

欽定四庫全書

御製詩三集卷五

古今體九十六首

庚辰五

西直門外

禾如助長黍如油又見崇墉麥報秋
一例憑輿雞犬社
今來稍得釋眉頭

曉氣清涼露氣濃
瓜田菜圃總芄風
圖畫經行裏
底藉重儔說勸農

蘭衢槿舍不生塵見說雷膏近遠均稼穡艱難塵心所
謹言寧待范雲陳

畫舫齋

宿齋復還宮北至將臨祀路便憩水堂雨後景尤美景
美匪所眈戒深允宜揣譬如水載舟前賢揭其旨對時
企薰絃觀易凜金枕

鏡香室

灑然書室俯琳塘鑑古欣披瀝灑光淨植真成佛土卉

風前時散鏡中香

畝鑑室

疏剔得古井事半功倍藏居然一畝池巖腰鏡光展小
閣俯其上每來興不淺愛臨綺縠披那聞轆轤轉激行
雖有時就下固無舛所以子輿氏示人曰性善

養心殿齋居雨後作

雨過河源爽氣鮮炎風不到黼屏邊吐哉無易由言爾
可忘周書廿七篇

王蒙高崖結宇圖

松桂陰森避世埃
碩人結宇白雲隈
斷橋陡澗通無路
為恐鶴書偶到來

夏至

北郊大祀禮成有述

日永火星正
雨霑曉氣清
晨趨備儀衛

夏至大祀每逢望雨之時率不

敢御輦詣

壇以誌虔悚今

歲雨暘時若乃得依例舉行云

祀典率公卿八奏
黼賓律一元瘞坎牲躬承歲弗懈惟

是盡吾誠

素尚齋小憩

臚傳藏鴻儀夏清詢

慈履於焉返御園更衣取便邇黼芾入山林笑未能免
矣雨後峭蒨佳石激聲更美書堂樓嶽寄素尚宗

堯旨西苑及仙莊何必分彼此

避暑山莊內亦有此齋名
皇祖御題也

怡神既遠塵得句亦戒綺士習與文風斯之繫深企

千尺雪

信有仙家縮地方松泉呼欲出宦光楣間底藉題千尺
倚檻常欣滿意涼

登寶月樓

樹古延颺爽荷香淨露晨艤舟登寶月拾級俯銀淪首
善皇州地興賢蕊榜辰天街珂馬客甫纔去聲退朝人

香遠室

可遠觀猶不可親色香一例淨無塵山陰鏡裏如相訪
髣髴其人是賀循

雨

五月十一日

繼澤誠為澤優霑果是霑急飛殊錯落徐勢亦廉纖銀
竹倒生宇玉泉忽挂簷篆涎蝸上壁殼乳燕窺簾酷熱
書幙避輕寒硯席添慰藉將閒適合惇史一研淹

詠漢玉圖章

何代神仙侶誰家翰席間於斯對古貌可以破天慳龜
紐深含碧鴻文淺印殷數來九老會雅合在香山

王翬倣巨然夏山圖即用其韻

千章灌木綠陰稠策蹇何人來訪幽世務請君謾啟齒
尊盧前事推從頭

海努銅印有序

武定功成農政宜舉念伊犁委之荒蕪久或別部
竊踞非良圖也因命副都統阿桂伊柱等率兵往
理屯政茲伊柱循行至海努克地見大招梵帙叢
委以次檢輯獲虎紐銅章一方文曰管轄厄魯特
後旗扎薩克印旁識雍正四年十月鑄成即日驛

封來上蓋向年曾頒給隸喀爾喀之厄魯特扎薩
克毛海者彼叛往準噶爾攜以獻噶爾丹策凌因
命篋衍內廷並系是詩以誌其事

厄魯和通

厄魯特謂回人為和通

以次平徐籌考牧及屯耕葉奇

即葉

爾奇木四字急呼之實兩字也

已慶春膏溥

回地素艱雨澤昨阿里象等奏三月二十一二等日葉爾奇木

諸城耕作方興甘霖大沛回人皆詫為希有

海努魯無兵燹驚收拾金經皈淨

業分明銅印返神京天驕猖獗今何有蠲忿因之益凜盈

雜言

簷前懸鐸毀以聲鳴堂中秉燭消以膏明炫名者相軋
鬪知者必爭謀度於義者斯得事因於民者可成民可
近不可下義正我仁安人趨吉無過知足止謗莫如修
身聖人存神索至君子泰而不驕河以委蛇故遠山以
陵遲故高勿謂何傷其禍將長禍為德根憂為福堂書
稱朽索易著苞桑矜矜惴惴兮吾遑敢康

鯀魚

湖中藻荇蕃蔓延叢累積蹇毫與銍艾萌芽旋充斥舟

楫礙泛流波瀾溷澄碧是應例除莠詢得一良策鯪魚
此為糧育湖俾搜索藻荇則已盡荷芰乃并食魚所能
者啖不能者揀擇洩矢更遺污綠水成黃色藻荇穢複
裹鯪魚穢面額不什不變法欲速踈籌畫一利一弊滋
覽物理可格

題金廷標畫仙山樓閣

觀聳琳琅洲鳳麟蕊珠叢下會羣真底須更檢神仙傳
一例丹臺注籍人

蕩影虛無曳綵虹憑欄意與海天空欺人漫自稱清淺
一笑千春俯八鴻

界道琉璃禹步移瑤華琪樹鬱叅差遣將瑞鶴凌空去
玉檢銀題定寄誰

解得江山煮半鐺長生妙訣合無生笑他癡念延年者
隔岸惟應渴望瀛

賦得和聞玉

得珍字六韻
散館試題

玉隴

和聞六
城之一

宛其玉珍賢詎此珍攄誠底方物慎德幸

咸賓却納非柔遠分頒庸展親葆光驗垂草瑞色現浮
筠如琢良工命匪求給事巡設將擬堯擲仍覺愧先民
命儒臣排次回部錢文及所有古銅錢因題以句

天祐西師歲大功勞徠泉府貴流通形猶騰格因其俗

寶鑄乾隆奉我同

回城既定部人以騰格輸賦將軍等請仍其舊式惟於陽面加鑄乾隆通

寶以行又驛致回中所有古錢蓋彼時妻主輸繒所致因命儒臣排次之

景德開元溯所有

和親互市鑑於中篋藏詎訕聲靈壘垂示懷柔慎自躬

復雨

五月廿四日

連朝雨畧勤羣稱麥迴青過旬雨畧間羣稱旱象成譬
如嬌養子怙賴其父兄與之謂當然少靳則怨生人情
太澆薄返淳愧不能安得邀

天鑒綏我屢豐亨且休舉去年六月雨始零曷不看今
歲實事公論評麥亦未迴青旱亦何致成餅餌已鬻市
禾黍綠雲平即今澤復霈優渥溝澮盈幸災樂禍流汝
口奚由騰然而總吾過化民責實膺

夏日昆明湖上

湖濶風來水面涼
四圍圖畫鏡中央
登舟底識予心喜
隄外千塍勃綠秧

雨霽螺峰蔚曉晴
分明披展畫屏西
鏡橋那畔風光好
出水新荷放欲齊

綠蒲紅芰盪蘭橈
不動雲帆遞細颿
最是今年僥倖處
春來水誌未愁消

西海從來捕魚處
闢湖以後不施罟
好生未免存人我
觀過知仁豈礙夫

夏日題景明樓

拾登出埤堦，締賞俯煙霞。
雨足湖光漲，塵清山翠加。
春和雖已過，夏景不爭差。
一歲兩三到，惟消片刻茶。

寄瀾堂

朗著虛堂對碧湖，一瀾甫過一瀾趨。
中間前後渾難得，四智三身例此夫。

望蟾閣

望蟾最宜夕，而我曾未到。
偶來每值晨，漢邊尚堪眺。
我

聞太陰光實藉太陽照金烏已騰輝玉兔奚能耀遊目
適斯閒因心觀厥微

藕香榭二首

汙泥不染植亭亭為識花馨識藕馨君子昔人設比似
如瑩正則變丹青

蓮葉東西魚極樂藕花高下鷺無猜却羸越若將吳瀆
不放采香小艇來

賦得南風之薰

得同字八韻
朝考題

協帝光軒頊亮天欽始終爰興大鹿野乃撫五絃桐心
忖傳將手表揚蘊以中人聲詢右孝詩語造南風念念
厘民隱言言企化崇財期九功叙愠解萬方融在位虞
賓讓來儀鳳鳥翀爛然八伯進景仰敢希同

宴哈薩克陪臣作

哈薩陪臣候起居優恩錫宴示榮諸徐聞壺漏遲金秋
不藉瓊筵命象胥塞限寒門帝京到風來暑節曉涼舒
時和武定遐方順惟勵謙沖凜執虛

夜雨

五月廿八日

五風十雨尋常候，五雨十風夏令宜。
雷響纔聞天際作，溜聲忽到枕邊披。
饋餽麝麥通比平聲里，吐穗黍禾早向

期。今歲晴雨應時五月未兆固佳哉，秋尚遠，顥祈時若

越孜孜

雨中討源書屋

夜雨既優渥，曉煙猶渺漠。
已宣晨問

謁，敢為雨留停。取便憩軒榭，怡神泯色形。
畫圖天接水

枕葍史和經歇響蟬藏樹就乾蟻上庭須史雲淨飲露
出遠山青

惠山園觀荷花

吳園萬壽山東隅其水昆明之尾間去歲湖水已憂涸
津逮弗及智井如自春徂夏湖水足餘波一方湛且綠
偶來正值荷花開雨後風前散清馥洛川湘浦比輕狂
君子微嫌名教傷試看流霞帶醺者真是水仙宴水堂
水堂宛轉孰南北何必燕天隔江國汗牛充棟詠蓮人

面目誰真識淨植

再題惠山園八景

載時堂

東嶺山堂好琴書靜與宜開軒無長去聲物種樹有喬枝
每便粗疎過寧非玩愒為今朝索延憩恰正小年時

墨妙軒

苔璆法寶萃千年四壁風華總道詮朝暮雲煙相薈蔚
遊絲燈影契天然

就雲樓

深登每思憩因迥得傑構題額乃就雲雲亦每相就
蔚盪胸腋霰霰潤襟袖豐隆有奇貨谷神宛可售莫謾
擬虞廷名實詎胥副

澹碧齋

一湖小停蓄渌然澈清影咫尺出宮牆稻田灌千頃

水樂亭

八音之中獨無水一無萬有實至理不然聽取宮商聲

了須拋却箏笛耳洞庭只在依稀間繁會盼以片刻間
漫擬九成來鳳鳥吾猶愧之曰舞干

知魚橋

飲波練影無痕戲蓮闌藻便蕃知否付之鱗類惠莊却
費名言

尋詩逕

窈窕沖融間詰曲逶迤處目擊斯道存淺言亦深趣於
此論格律何殊刻舟誤

涵光洞

牝洞空空虛室如其通以塞有光舒怡看生白那愁暗
何必含明要在疏蠆尾銀鉤臨古帖蠅頭綠字讀奇書
設於二典尋津逮四表猶慙普被諸

甘肅總督吳達善奏報麥收詩以誌慰

甘涼二麥熟喜值王師班去歲穀踴貴今已減七錢正
供雖屢免其如灾旱連軍需所會地寧免物價艱嗟哉
溥樸民安靜無他言是予所深嘉不靳澤頻頒予澤惟

補罅

天澤斯普全從此雨暘時秋成更冀馬詎易復元氣庶
稍救眉燃時若寧可必西望仍憂先

拔達山八駿馬歌

大宛駿馬斯已奇拔達山駿奇倍之方隅貴山南以西
獻馘稱臣誠識時良驥服阜納賁隨青驄送喜領羣蹄
捷音早共紅旗馳

右送喜驄

堅昆底定我馬歸鵲其英鷲色

其騏

右堅昆鵲

洱海

即伊西洱淖爾

一戰蹇厥旗獲良翻以徠白義

右洱海驃

有駉紫電名雅宜掃塵滅迹追無遺

右紫電駉

服遠在

德不在威闕虎

舊上方十駿之一

已老茲其妃

右服遠驃

蝦蟆一跳

丈六齊掉尾肅肅白玉題

右玉題駿

呈覽按隊過荷池祥霞

輝映光配藜

右祥霞驃

逸足未聘望可知籟雲底藉鞭箠施

右籟雲駿

徒觀骨格皆英姿揣稱且命儒臣為天閑調習付

有司待予秋獮徐試騎譬霍集斯居京師

回部郡王霍集斯以擒達

瓦齊及隨征功賜第留京城父子俱膺封賞蓋以望族傑材不宜令歸回部具深意焉

富貴之更

教禮儀遊閭闔分觀玉臺

叶

初非求馬興戎麾銷兵從

此含生熙

恭奉

皇太后觀荷作

月地霞筵侍

懿慈昇平御苑即瑤池解能扇暑疑厨菱為是

延年號澤芝傾露烹茶勝仙掌曝陽遊葉出靈龜今年
分外邀

萱豫西域師還暘雨時

夜雨

六月初四日

剛覺炎陽劇欣聞夜雨零黍田知玉潤簷溜似琴聽惟
有增競慰雅宜想色形明當問

安日歡喜謁

慈寧

雨中討源書屋

起居又值雨中来雲陣煙絲未擬開小草高梧齊勃綠
度欣

天意大栽培

晴

便霖信何妨快晴真復好我亦如衆人卜度恒太早然
胥望歲心觀過仁可曉夜雨剛達晨卓午晶陽晶驅炎
峭爽生宜暘臘雲掃慰餘轉悚然何脩沐

洪造

項元汴畫王維避暑詩意

絕壁聳峻嶒飛泉落上層對來知暑避望去訝雲興畫

法倪高士詩傳王右丞巖前及林下意入我原曾

降旨寬免甘肅隨賦耗羨並紀以句

耗羨起何年本是隨賦納積餘因成多為有司津貼濫觴致不善墨吏恣搜括

皇考悉其弊無已行權法爰令輸之官養廉均弗闕督撫逮佐貳等級以差發其有額外求是貪斯有罰以其救水資免賦例不豁言念甘省黎災餘幸存活既預免正供何惜此微末諸臣養廉需毋寧帑項撥俾予介遺

民追呼一以脫

上天況垂佑麥登禾長勃此後暘雨時倉箱庶不缺詎云元氣復溝壑逴輓西成斯尚遙遑敢即怡悅

回部貢金至命為麟趾裒蹠以紀其事

有序

諸回城既悉內屬戎索益閱念非經以井牧則別部偏處久或強食滋患然屯開戍集而官師糈廩因之若前代骨都戎已僕僕轉饟坐耗腹地物力者朕豈為之哉去歲將軍兆惠等以回民環籲定

賦請加鑄天朝年號通寶於見行騰格錢以資輸
納朕命檢校將來大臣官兵駐防歲給所需取足
供支而止其視曩者噶爾丹策凌責入諸回故額
蓋已減什之五六矣今歲騰格已供彼處諸屯戍
之用而貢金適至乃付治工鑄麟趾裏蹠以誌緣
起並系以詩昔漢武幸回中下詔言封岱時見西
域金氣之祥因鑄黃金為麟趾裏蹠其詳已不可
考說者謂瑞麟五趾其形當如餅而五出若要裏

䟽正深圓則後世沿而范之者固衆無足深論然
洼池玉河朕且不以得地為寶豈珍此纍纍鏤銑
而匱之以示方來者良以固圉繕邊初不役費中
土民生為至計不則禹貢三品屬之水衡可耳又
何長言細繹之為

肉好頌型騰格錢儲胥恰供戍新邊或殊疲弊中國耳
並聽輸將三品馬西域早稱氣相感泰山虛詫瑞曾駢
政平遠服吾何有紀實聊因麟褒傳

題王炳山水

欲雨夏山氣鬱蒼層林濕潤意先涼
宮鋤農父野橋過放水溪田防寢秧

驟雨

六月初十日

午熱弗可當煩坐屢移床片雲生西北倏到天中央
急點未灑風先來陣雲如墨雨雲白皚皚倒峽傾江
不足擬旬旬滂湃紛縈迴颯然爽氣迫筍席鬱蒸炎
劇安在哉雨墮無所為點筆裁新詩黍高及稻下勃
長應無疑

雲霽天光漏我詩亦已就東壁一彎懸綵虹遙天剩幾
奇峯岫

夏日遊玉泉山過青龍橋作

曉霽美風露駕言遊玉泉意行不十里吟景已雙肩胡
漲尾問洩暑驅爽氣鮮暢觀信可樂蔚綠滿平川

清音齋作

不到煙宮漫月餘層層綠意暗林間如斯佳景可孤彼
無逸名言每塵予暘雨若纔稍遣暇敬勤勵豈敢渝初

高齋挿架三千卷栗陸淳風望跂如

華嚴洞

北洞慳慳內外虛漫從相好識真如嵌巖古佛無央數
一芥子中納有餘

寄暢軒用米芾多景樓詩韻

柰苑一朝到奇峰四面開爽涼趁霽後軒榭訝初來米
帖賡詩扇陸泉試茗杯葩經如比擬惟是慙去聲靈臺

登玉泉山定光塔

雁堵林巔聳七層極高明乃稱吟憑一年曾是幾迴到新爽何妨歷與登東沼練光盈岸拍西山黛色列峯凝八窓納豈生分別藉悟如來最上乘

叢雲室

過雨又逢暇趁涼遂來訪靜室給園側既迴斯高朗樸斷雖三間廓然涵萬象天衣一縷無如來不動想昨晚翁為霖却此夙所養

麗矚軒作

穹塔適纔登岑堯切清漢此向最高處較乃不及半因
悟無止境理趣實一貫麗矚真麗矚綠雲蔚隴畔斯信
衣食源寧惟耳目玩

乘輿緣北嶺下

登山費半日下嶺消片時進難退實易萬理可因思
人肩輕輿雲磴盤委蛇數步命一歇何須雨汗揮淵明
有名言於斯一用之

飛雲峴

盤下層椒圖憩止山堂倚嶺清且美常擬飛雲千丈高
却是適來步足底

創得齋

斷手齋成已數年額簷創得祇依然未來過去胥權置
試問如何是現前

題金廷標畫人物

瞽目先生小說流稗官敲鉢唱街頭村翁里婦扶攜聽
儻為去聲歡欣儻為去聲愁

晚晴落照四首

六月十四日

拖雨油雲飛似來，漲湖驅暑片時纔。
綵虹飲練絲脚散，霞影先從西北開。

西日輝輝更射東，千林生翠渲新紅。
趙家金碧真兒戲，未若鴻濛設色工。

東壁輕雲絢作霞，背翻金縷有飛鴉。
快晴剛喜快雨後，禾黍青蔥總倍嘉。

曰雨而雨曰暘暘，西成庶可冀豐穰。
吐哉言戒滿招損。

惟益勅心敬不違

漢玉璧

入土出土各萬年壽過赫胥及驪連謂之曰漢頓置焉
誰謂洪荒無玉人叶否則琢磨由真仙若無若有龍鳳
卷金堂十二相周旋以古自澤以質全奚為海水奚桑
田秦爭趙奪誇智權如蒼蠅聲蕭蕭然

月夜泛湖即景成什

緒雲傍晚徂碧天淨如洗望前鵲早昇玉輪將滿矣煩

暑條已蠲爽風穀紋起良宵不可孤蘭舟泛邈迤素綵
流入懷澄神契無始

無始即此月今宵如去年達觀實一致所遇殊犁然禾
黍慰望歲兵戈罷籌邊遣暇良云可况逢清景妍然所
戒滿盈未敢效流連

流連愛景光夏夕已秋意蛩聲颯岸邊螢火流空際先
節雖愜賞促序仍深思試看碾冰輪晷影移漸次明當
三五團十二時權遲

泛月雜詠十二首

有序

驅暑足梅霖已過兼旬壬後招涼生桂魄纔交上
伏庚初綠天新漲如油事陋陳思飛蓋紫簾輕舸
似葉詞卑謝客抽毫爾其一捻痕微乍流輝於海
角半規勢就旋弄影乎簷牙湖邊金鏡開匣三潭
貫采溪畔水晶肇域二若涵清催將雲破徐來倩
得山銜不落松牖虹腰既隱荷亭露脚方垂意愜
徘徊廿五絃自調星軫光分端正十八幅誰挂風

蒲先秋賦撰文忠四壁蛰吟唧唧竟夕書攤武子
千林螢照熒熒縱勅幾晷有餘閒寧問夜情忘即
目指天上種榆佳景凱歌傳摩笛雄關徵人間離
畢祥占農唱荅扶犁清眎此日披圖朔塞看駢車
遠竄咸賓逾時介祉西池聽員嶠仙璫重譜

新月

合朔纔過俄望延線如眉若復鉤懸目遊漫惜光猶小
會看圓輪照大千

弦月

初生西宇漸東移恰似弓張弦直時疑是纖阿心亦緩
安于佩每學為之

湖月

河源雨過滌器煩剛斧修成七寶垣印入澄湖奚比擬
一雙玉鏡兩無痕

溪月

漱漱波含淥淥聲隨舟宛轉大光明迴溪曲寫銀弓樣

一箇金丸正在枰

雲月

魚鱗幾片碧空鋪
影襯冰輪致更殊
長史雖稱率爾對
自然點綴可教無

山月

宵衣聊適片時閒
赤壁清風髣髴間
窈窕章歌曾不藉
須臾也見出東山

松月

松岸維舟懶慢登棲枝古月恰相應披芸乍晤陶弘景
人在高樓最上層

荷月

聞香暗識緩移船颯沓聲先到耳邊恍惚光中婉孌度
玉清界裏小遊仙

琴月

梨園小部厭聲新綠綺真稱月下賓每對南風慙解阜
誰能高致學盧綸

帆月

無恙布帆挂影暄
篝燈聊免驛章裁
今年泛月真僥倖
捷報紅旗天際來

蛩月

莎根清響夜珠光
滿耳淒聲滿意涼
却笑草蟲還技癢
那能文賦待歐陽

螢月

星星柳岸自飛揚
腹蘂沈吟不用囊
沙界三千普仰照

奚妨爝火弄微光

再題李唐江山小景疊舊作韻

思訓光乎前晞古振乎後小景紀緣起香光細評剖節
取茲重叙未能戒綺口抑以便覽觀用備遺忘候宣和
舊博士南渡隨奔走八十仍故官畫史無雙手真蹟中
合作把玩消外酉去情已得神課無復責有豎峯既崢
嶸滋流更洄糾風生虎咆吼雲從龍蚴蟠六鼇背上山
非他氣以負渲刷鎮如新神呵霉不受歸韓誠得所子

胡溺色酒

董其昌跋館師韓宗伯得之朱太尉及韓長公朝廷進武林有所惑溺質之好事家云云

按韓世能仕禮部侍郎教習己丑科庶吉士其昌以是科館選因稱為師長公蓋世能長子而朝廷則其名也

質金不能贖乃告香光叟拈擋畫禪室劍合延津吼太

尉党家風宜乎不復取

明史朱希孝掌錦衣衛宋太尉職也

行穰答韓情

江山歸董守

亦見其昌跋語

武林務材家誰復論存否挹齋董

猶殊何致袒其右言不可不慎思翁未思久

其昌跋挹齋遺榮勇

退因以江山小景贈別云云挹齋周延儒別號而其昌與之友且稱其勇退非揮文之道然亦足以知其昌矣

史館問鼎時博古珍瑤玖詎知市江寧重價程空扣

見後

程正揆跋亦記董周相贈及已曾見之故

爭名真必喪趨利心斯部披圖鑒

戒存寧曰遣興偶論世論其人實無足尚友顰尾或脫

落何以傳不朽

董程諸跋皆在顰尾後

隲括書圖中藉以永厥壽

雨中泛舟

六月十九日

時放炎陽時復陰天容醞釀欲為霖午餘快霽傾盆灑

又利農田慰我心

六棹飛雲

船名

剪碧湖山光樹態總模糊何當倩取維摩

詰風雨歸舟正好圖

或踈或密垂颯纒接上翻江窘舟子瓦衣耐漏謾譏評
既水須知不洗水

生衣却暑變微涼急陣纒過水漲塘便是連陰信何礙
晚晴終覺喜宜暘

戲題文木癭孟子

文木癭孟子古為徒穆然虛中既空洞盎外復連蜷宜
贈餐霞客否當飲水賢玉盃金盃側所樂不存焉

御製詩三集卷五